



UNIVERSITÄTS-  
BIBLIOTHEK  
PADERBORN

**Principia Juris Canonici : Ex Libro ... Decretalium Gregorii  
IX. Pontificis M / Antehac In Alma & Archi-Episcopali  
Benedictina Universitate Salisburgensi**

**König, Robert**

**Salisburgi, 1725**

**VD18 80460518**

24. De Officio Archi-Presbyteri.

---

[urn:nbn:de:hbz:466:1-61781](#)

*o. cum olim 6. de Consuet. Sylvester V. Archi-Diaconos n. 1. Vallensis b. t. n. 3..*

## TITULUS XXIV. De Officio Archi-Presbyteri.

### SUMMARIA.

- 1. Archi-Presbyter quis?
- 2. Alius urbanus, alius ruralis.
- 3. 4. Utriusque munus & officium.

**A**rchi-Diacono proximus dignitate & gradu in Ecclesia Cathedrali est Archi-Presbyter, qui nonnunquam Decanus salutatur.

#### §. I.

**1.** Est autem Archi-Presbyter, quasi primus Presbyterorum, ille, qui praest Presbyteris, ac eorum officiis, vicésque absentis Episcopi in spiritualibus gerit. c. 1. b. t.

#### §. II.

**2.** Archi-Presbyter alius est *urbanus* sive *civitatis*, alius *ruralis*, *foraneus*, seu *plebanus*. *Urbanus* est, qui praest Presbyteris in civitate, ubi Sedes est Episcopi, existentibus, & Episcopi vicem in Divino officio suppet; de quo in c. 3. b. t. *Ruralis* seu *foraneus* dicitur, qui curam animarum in plebe exercet, & super alias Parochos, ac Presbyteros, qui per minores titulos habitant, inspectionem gerit; de quo in c. fin. b. t. Et hic propriè videtur nuntiupari Decanus in c. 7. de Officio Archi-Diaconi ac Vicarius foraneus in Clem. de Rescript. juncta Gloss. V. *foraneo*.

#### §. III.

**3.** *Officium* Archi-Presbyteri tum urbani tum ruralis est multiplex.

Ad Archi-Presbyterum *urbanum* spectat, Episcopo missam canente ordinare Sacerdotes ad altaris ministerium: Missarum solennia in absentia Episcopi celebrare, cantumque Horarum auspicari: orationes, quas vocant collectas, recitare: benedictiones presbytera-

les ad Lectiones impertiri: infirmum oleo perungere, ac curam animarum agere: tamnamque in Ecclesia Metropolitana, aut Cathedrali habet facultatem, quam quilibet Presbyter in sua Parochia. d. c. 1. 2. & 3. b. t. Cæteròm Archi-Presbyter urbanus ob præminentiam, quam inter Canonicas, aliòsque Clericos obtinet, in dignitate quidem, les potius personatu positus censetur, ita ut ipsi Sede Apostolica vel Legato ejusdem causa delegari possint juxta. c. 11. de Rescript. in 6. in foro tamen externo de Jure communi nullà jurisdictione prædictus est. arg. d. c. 1. b. t. De jure communi inquam; non enim me fugit, in quibusdam locis, ubi Archi-Diaconus non est jurisdictionem in Clericos Archi-Presbyteris, seu Decanis Ecclesiarum Cathedralium, aut collegiarum competere.

Ad Archi-Presbyterum *ruralem* pertinet non solum vulgi & plebis, sed etiam Presbyterorum curam gerere, & quâ quisque industria Divinum opus exerceat, observare: Clericorum rixas, ebrietates, aliâve scandala impeditare, vel si minus ipse possit, Episcopo suo referre: ejus etiam decreta per se, aut per alios executioni mandare. c. fin. b. t.

Utrum vero Archi-Presbyter, seu Decanus *ruralis* habeat externam aliquam jurisdictionem? Rationem dubitandi suggerit d. c. fin. ubi omnia referre jubetur ad Episcopum. Verum plerisque placet, in minoribus saltet aliquibus negotiis jurisdictionem ei denegandam non esse, cum si veluti Vicarius Episcopi foris constitutus ad gubernandum Clerum, ac populum, quod officium sine omni prorsus jurisdictione convenienter exequi non potest. Pirrh. b. t. n. 11. Neque obstat adductum c. fin. id enim solum procedit in negotiis gravioribus, aut magni momenti, ita ut ea solum Decanus *ruralis* propriâ autoritate dijudicare non debeat, sed Episcopo referre; immo dum in fin. cit. cap. prohibetur, ne con-

tra Episcopi decretum aliquid ordinare præsumat, videtur eō ipso concessum, quod secundum decreta, & statuta Episcopi causas decidere valeat. Nequaquam tamen existimes, eidem competere potestatem excommunicandi delinquentes inconsulto Episcopo: quia nec Archidiacono (qui Jurisdictione major est Archi Presbytero. c. 1. h. t.) haec potestas de jure concessa est. c. 5. de Officio Archidiac. eō quod excommunicatio sit maxima pena in Ecclesia, & magni præjudicij. Equidem in c. 3. de Officio ordinarii. dicitur, Plebanum (quo nomine etiam Archi-Presbyter venire solet) posse sententiam excommunicationis ferre in Clericos, vel laicos paræcianos suos; sed rectè Glossa respondet textum illum loqui de tali casu, quo ex consuetudine, privilegio, vel alio jure, aut concessione speciali Plebano, seu Archi-Presbytero major potestas, & jurisdictione competit, de jure communia alias non concessa.

## TITULUS XXV. De Officio Primicerii.

### SUMMARIA.

1. *Nominis ratio.* 2. 3. *Primicerii munus & officium.*  
**P**rimicerius quoque Archi-Diacono subest, & Archi-Presbytero absente in cantu & choro succedit.

#### §. I.

1. *Primicerius ab eo dictus est, quod vel fuerit primus in cera, in qua Psallentes in choro fuerant descripti; vel quod ordinariè debuerit esse primus in choro, aut cantu, unde etiam Cantor, seu Præceptor nuncupatur in c. 1. §. Cantor. dist. 21. & c. 6. de Consuet.*

#### §. II.

2. *Officium Primicerii erat ordinare ea, quæ ad cantum spectant, aut referuntur. Item Clericos in choro delinquentes corrigeret, & puni-*

re, ut habetur in c. 1. §. ad Primicerium dist. 25.  
ob quam animadversionem, seu aliquatenus jurisdictionem in delinquentes dicebatur habere personatum, imò & dignitatem. c. 8. de *Constit.* Consequenter & præcedentiam aliquam, seu præminentiam respectu aliorum Clericorum habere debuit, sicut communiter colligunt DD. & ipsiusmet nominis ratio insinuare videtur. Azor. *Instit. moral.* p. 2. L. 3. c. 16. q. 3.

Præterea in c. un. h. t. ad Officium Primicerii pertinere traditur, Diaconis, & reliquis Clericis in docendo præesse, instruendo nimirum illos in modo cantandi, in latina lingua, & aliis disciplinis, præcipue ad Divinum officium honestè peragendum necessariis. Hinc de Jure antiquo Primicerius etiam magister Scholarum, & Scholasticus appellatus est. De Jure vero Trident. sess. 23. de Reform. c. 18. Scholastriæ cura in Cathedralibus præsertim Ecclesiis committi jubetur non nisi Graduato, vel alias ad instruendum idoneo, sive deinde talis fungatur simul officio Primicerii, siue non, ut ita officia Scholastici & Primicerii juxta Trident. non videantur necessario esse connexa, sed diversis committi valeant.

Hodie in plerisque Ecclesiis Cathedralibus titulus quidem & præbenda Scholastici retinetur ab aliquo Canonicorum, officium tamen vix alicubi propriè exercetur propter multitudinem Universitatum, & Gymnasiorum, in quibus multò facilius scientiæ & liberales artes addiscuntur. Similiter ea, quæ ad Primicerium de jure spectant, passim per vicarios etiam laicos, & Ecclesiarum famulos expediuntur.

## TITULUS XXVI. De Officio Sacristæ.

### SUMMARIA.

1. *Sacrista quis?* 2. *Eius Officium.*

Nunc